


## BLÁTHANNA



- A. Athdhéanamh ar chuid den fhoclóir a múineadh, m.sh. bláthanna, gairdín, bán, buí, etc.  
 Abairtí úsáideacha i ngnáthchaint na scoile a chleachtadh, m.sh. An bhfaca tú na bláthanna?  
**Chonaic mé na bláthanna.**  
 An raibh na bláthanna go deas?  
**Bhí siad go hálainn.**

## B. Cloisteáil, Aithint, Aithris

**Bunchomhrá**

Tháinig Mamaí abhaile. Bhí mála aici. Bhí bláthanna sa mhála. Cheannaigh Mamaí na bláthanna sa siopa.

**Agallamh**

- Nuala:* Tá na bláthanna go deas.  
*Mamaí:* Tá siad go han-deas.  
*Nuala:* Cá bhfuair tú na bláthanna?  
*Mamaí:* Cheannaigh mé sa siopa iad. Faigh uisce dom.  
*Nuala:* Tá go maith, a Mhamaí.

## C. Cleachtadh

- Cé a tháinig abhaile?  
 Céard/Cad a bhí ag Mamaí?  
 Céard/Cad a bhí sa mhála?  
 Cá bhfuair Mamaí na bláthanna? etc.

**Cleachtadh a thabhairt do na páistí ar chuid de mhúnlaí an Bhunchomhrá,**

- m.sh. Bhí bláthanna sa mhála/brioscaí/criospaí, etc.  
 Cheannaigh Mamaí na bláthanna/milseáin/  
 bréagáin/brioscaí, etc.

## D. Leathnú

**Amhrán** (An ceol ar théip)

## I

Tá bláthanna ag Mamaí, bláthanna beaga buí,  
 Cheannaigh sí sa siopa iad, na bláthanna beaga buí.

Curfá:

Na bláthanna beaga buí, na bláthanna beaga buí,  
 Na bláthanna, bláthanna, bláthanna, bláthanna,  
 Na bláthanna beaga buí.

## II

Tháinig sí abhaile leis na bláthanna beaga buí,  
 Chuir Nuala ins an uisce iad, na bláthanna beaga buí.

Curfá: